

# Uorden disciplinar

Las denominaziuns da personas serefereschan en general ad omisduas schlatteinas, aschilunsch ch'ei seresulta buca enzatgei auter ord il senn dil reglament.

## A) En general

### Art. 1 Intent

Igl uorden disciplinar vala per tut ils scolars dalla scola secundara, reala primara e scoletta dalla Corporaziun da scola Rueun e contuorn. Ensemen cun igl uorden da scola segirescha el in menaschi da scola senza disturbi. El regulescha las competenzas dallas autoritads da scola e dils scolars enviers la disciplina da scola.

### Art. 2 Instrucziun, absenzas, congedis

Ils scolars han da cumparer ad uras a scola. Ils temps da scola ein d'observar. Per absenzas, congedis ed extradadas dalla scola valan las prescripziuns dil uorden da scola e dalla lescha da scola dil cantun.

## B) Disciplina en scola

### Art. 3 Regla da secuntener

Scolars e scolasts han da secuntener vicendeivlamein a moda discreta e toleranta e cunzun tralasar remarcas offendentas. Ils scolars sedeportan andantamein denter els, enviers scolasts, autoritads da scola e persunal da scola. Las directivas dils scolasts, dallas autoritads da scola e dil persunal da scola ein d'observar. Els han d'evitar tut quei che disturba il menaschi da scola e d'observar igl uorden da casa. Duront pausa astgan negins affons bandunar il plaz da scola senza lubientscha dil scolast.

### Art. 4 Localitads, indrez, urdeins

Il reglament d'utilisaziun ed igl uorden da casa per la scola sco era las directivas dils scolasts ein d'observar.

Ils scolars han dad haver quitaun dils indrezs en las localitads e sils areals da scola, sco era dils urdeins e dil material da scola. Donn caschunai entras scolars ston vegnir indemnisai entras lur geniturs ni tenor decisiun dil derschader da giuvenils.

### Art. 5 Products da consum, da luxus e mieds toxigens

Sigl areal da scola e duront ils arranschaments da scola ei il consum da mieds che donnegian la sanadad sco il fimar, il consum da bubrondas alcoholicas e prender drogas scumandau strictamein als scolars.

### C) Punziuns disciplinaras, cumpetenzas, procedura

#### Art. 6 Cass disciplinars, punziuns disciplinaras

Surpassaments viers igl uorden disciplinar vegnan castigai cun reprimandas, lavurs per castig, arrest ni cun ina lavur speciala sut survegionza. Duront igl arrest sto il scolar vegnir occupaus cun ina lavur adeguata. Il cuoz maximal pigl arrest e per las lavurs specialas munta a 4 mez dis.

Per cass che las mesiras tenor Art. 6 han buca il success giavischau sa in scolar era vegnir sclaus dalla scola. Per talas mesiras vala igl art. 14 dalla lescha da scola.

#### Art. 7 Cumpetenzas

Il scolast sa ordinar ina reprimanda a bucca ni a scret, lavur per castig ed in arrest tochen ad in miez di.

#### Art. 8 Constatar il causal, udida da dretg

Specia e circumstanzas dil surpassament disciplinar ein da sclarir. Il scolar ei da tedlar. En cass nua ch'in arrest survarga in miez di ni ina lavur speciala sut survegionza stattan en damonda, eis ei da tedlar ils geniturs respectiv lur representants avon che prender ina decisiun. La decisiun ei da communicar ad els a scret cun aschuntar ils motivs.

#### Art. 9 Recuors

Encunter decisiuns da castitgs disciplinars tras il scolast sa ei vegnir fatg recuors al cussegl da scola. Quel decida definitivamein. Encunter decisiuns ch'il cussegl da scola pren sco emprema istanza sa ei vegnir fatg recuors al departement d'educaziun.

### D) Disposiziun finala

#### Art. 10 Vigur

Quest uorden disciplinar va en vigur cun l'approbaziun entras la radunonza dil cussegl da scola dalla corporaziun da scola Rueun e contuorn.

Liug, datum: Rueun 5-12-2011 Il president: P. J. J. J.